

琴趣外篇六卷

晁補之

琴趣外篇目錄

卷一

水龍吟一調

鳳凰臺上憶吹簫二調

過瀟散一調

梁州令疊韻一調

訴衷情一調

行香子一調

行香子一調

八聲甘州二調

摸魚兒一調

黃鸝兒一調

酒泉子一調

金鳳鉤二調

訴衷情一調

阮郎歸一調

滿庭芳一調

永遇樂一調

消息一調

歸田樂一調

生查子一調

木蘭花一調

引駕行一調

卷二

洞仙歌二調

行香子一調

江神子一調

下水船一調

感皇恩一調

生查子一調

水龍吟一調

鹽角兒一調

望海潮一調

浣溪沙一調

洞仙歌一調

少年遊二調

洞仙歌二調

清平樂一調

夜合花一調

萬年歡一調

喜朝天一調

滿江紅一調

宋六十名家詞

二

離亭宴一調

千秋歲一調

迷神引一調

滿江紅一調

卷三

古陽關一調

玉蝴蝶一調

安公子一調

惜分飛二調

離亭宴一調

滿庭芳三調

尾犯一調

尉遲杯一調

八六子一調

臨江仙二調

燕溪山四調

憶秦娥一調

好事近一調

阮郎歸三調

宴桃源一調

一叢花三調

卷四

臨江仙二調

浣溪沙一調

憶少年一調

江神子一調

虞美人一調

金盞倒垂連二調

西平樂一調

御街行一調

生查子一調

青玉案一調

水龍吟一調

南歌子一調

醉落魄一調

萬年歡一調

臨江仙一調

虞美人一調

安公子一調

綠頭鴨一調

水龍吟一調

惜奴嬌一調

臨江仙二調

滿庭芳一調
鷓鴣天一調

定風波一調
清平樂一調

千秋歲二調

卷五

虞美人一調
一叢花一調

浣溪沙一調
減字木蘭花一調

萬年歡一調
菩薩蠻一調

鷓鴣天一調

鳳簫吟一調

梁州令一調

引駕行一調

菩薩蠻一調

點絳脣一調

上林春一調

楊柳枝一調

鵲山溪二調

生查子一調

少年遊一調

青玉案一調

江城子一調

青玉案一調

勝勝慢一調

點絳脣一調

卷六

永遇樂一調

虞美人一調

朝天子一調

行香子一調

感皇恩一調

臨江仙一調

碧牡丹一調

少年遊一調

西江月一調

鷓鴣天一調

絳江紅一調

菩薩蠻一調

減字木蘭花一調

臨江仙二調

紫玉釵一調

宋六十一名家詞

四

鬪百草二調

鬪百花三調

御街行一調

南歌子一調

霜平樂一調

好事近一調

洞仙歌一調

琴趣外篇目錄終

琴趣外篇卷一

宋 晁補之

水龍吟（別吳興至松江作）

水晶宮繞千家。卞山倒影雙溪裏。白蘋洲渚。詩成春晚。當年此地。行徧瑤臺。弄英攜手。月嬋娟際。算多情小杜。風流未覩。空腸斷。枝間子。一似君恩賜與。賀家湖。千峯凝翠。黃梁未熟。紅旌已遠。南柯舊事。常恐重求。夜闌相對。也疑非是。向松陵回首。平蕪盡處。人在青山外。

八聲甘州（揚州次韻和東坡錢塘作）

謂東坡未老賦歸來。天未遣公歸。向西湖兩處。秋波一種。飛靄澄輝。又擁竹西歌吹。僧老木蘭非。一笑千秋事。浮世危機。應倚平山闌檻。是醉翁飲處。江雨霏霏。送孤鴻相接。今古眼中稀。念平生相從江海。任飄蓬不遣此心違。登臨事更何須惜。吹帽淋衣。

又（歷下立春）

謂東風定是海東來。海上最先春。乍微陽破臘。梅心已省。柳意都還。雪後南山聳翠。平野欲生煙。記得相逢日。如□上林邊。莫歎春光易老。算今年春老。還有明年。歎人生難得。常好是朱顏。有隨軒金釵十二。爲醉嬌一曲踏珠筵。功名事算如何此。花下尊前。

滿庭芳（赴信日舟中別次臂十二叔）

鷗起蘋中。魚驚荷底。畫船天上來時。翠潯紅渚。宛似武陵迷。更晚青山更好。孤雲帶遠雨。絲垂清歌裏。金尊未掩。誰使動分攜。竹林高晉阮。阿咸瀟散。猶愧風期。便棄官終隱。釣叟苔磯。縱是冥鴻雲外。應念我垂翼低飛。新詞好。他年認取。天際片帆歸。

鳳凰臺上憶吹簫（自金鄉之濟至羊山迎大臂）

千里相思。況無百里。何妨暮往朝還。又正是梅初淡。蜂禽未綿蠻。陌上相逢緩轡。風細細。雲日斑斑。新晴好。得意未妨。行盡青山。應攜後房小妓。來爲我盈盈對舞。花間便拚了。松醪翠滿。蜜炬紅殘。誰信輕鞍射虎。清世裏。曾有人閒。都休說。簾外久春寒。

又

才短官慵。命奇人棄。年年故里來還。記往歲蓮塘送我。遠赴荆蠻。莫道風情似舊。青鏡裏綠鬢新斑。佳人怪。把盞爲我。微斂眉山。從來嗣宗高韻。獨見賞青雲。負絕塵間。漫回首。平生醉語。一夢驚殘。莫笑移花種柳。應備辦。投老同閒。從枯槁。松楸耐得霜寒。

摸魚兒（東阜寓居）

買陂塘。旋栽楊柳。依稀淮岸江浦。東皋嘉雨新痕漲。沙觜鷺來鷗聚。堪愛處。最好是一川夜月光流渚。無人獨舞。任翠幄張天。柔茵藉地。酒盡未能去。青綾被。莫憶金閨故步。儒冠曾把身誤。弓刀千騎成何事。荒了邵平瓜圃。君試觀。滿青鏡。星星鬢影今如許。功名浪語。便似得班超。

封侯萬里歸計恐遲暮。

永遇樂

松菊堂深。芰荷池小。長夏清暑。燕引雛還。鳩呼婦往。人靜郊原趣。麥天已過。薄衣輕扇。試起繞園徐步。聽衡宇。欣欣童稚。共說夜來初雨。蒼苔徑裏。紫葳枝上。數點幽花垂露。東里催鋤。西隣助餉。相戒清晨去。斜川歸興。翛然滿目。回首帝鄉何處。只愁恐。輕鞭犯夜。霜陵舊路。

過澗歇

歸去。奈故人尙作。青眼相期。未許明時歸去。放懷處。買得東臯數畝。靜愛園林趣。任過客。剝啄相呼。畫扇戶。堪笑兒童事業。華顛向誰語。草堂人悄。圓荷過微雨。都付邯鄲。一枕清風好夢初覺。砌下槐影方停午。

黃鶯兒

南園佳致偏宜暑。兩雨三三。脩篁新筍出初齊。猗猗過簷侵戶。聽亂颭芰荷風。細灑梧桐雨。午餘簾影參差。遠林蟬聲。幽夢殘處。凝竚。既往盡成空。暫遇何曾住。算人間事。豈足追思。依依夢中情緒。觀數點茗浮花。一縷香篆炷。怪來人道陶潛。做得羲皇侶。

消息（自過腔。卽越調永遇樂。端午。）

紅日葵開。映牆遮牖。小齋端午。杯展荷金。簪抽筍玉。幽事還數。綠窗纖手。朱奩輕縷。爭鬪綵絲。

艾虎。想沈江怨魄歸來。空惆悵。對菰黍。朱顏老去。清風好在。未減佳辰歡聚。趣蠟酒深斟。菖
蘖細糝。圍坐從兒女。還同子美。江村長夏。閒對燕飛鷗舞。算何須楚王雄風。方消畏暑。

梁州令疊韻

田野閒來慣。睡起初驚曉。燕樵青走挂小簾鉤。南園昨夜。細雨紅芳徧。平蕪一帶煙花淺。過
盡南歸雁。俱遠。凭闌送目空腸斷。好景難常占。過眼韶華如箭。莫教鷓鴣送韶華。多情楊柳
爲把長條絆。清尊滿酌誰爲伴。花下提壺勸。何妨醉臥花底。愁容不上春風面。

酒泉子

萱草戎葵。松菊堂深猶畏暑。晚雲催雨。靄簾櫳。滿樓風。池蓮飜倒小蓮紅。看掃鑑。天清似水。
一輪明月卻當空。畫闌中。

歸田樂

春又去。似別佳人幽恨積。閒庭院。翠陰滿。添晝寂。一枝梅最好。至今憶。正夢斷。爐煙裊。參差
疎簾隔。爲何事。年年春恨問花應會得。

訴衷情(送春)

東城南陌路歧斜。芳草徧藏遮。黃鸝自是來晚。莫恨海棠花。驚雪絮。滿天涯。送春賒。問春莫
是憶著東君。自去還家。

金鳳鈎(送春)

春亂我向何處。怪草草夜來風雨。一簪華髮少歡饒。恨無計、帶春且住。春回常恨尋無路。試向我小園徐步。一闌紅藥。倚風含露。春自未曾歸去。

又

雪晴閒步花畔。試屈指早春將半。櫻桃枝上最先到。卻恨小梅芳淺。忽驚拂水雙來燕。暗自憶故人猶遠。一分風雨。占春愁。一來又對花腸斷。

生查子(夏日卽事)

永日向人研。百合忘幽草。午枕夢初回。遠柳蟬聲杳。蘇井出冰泉。洗淪煩襟了。卻挂小簾鈎。一縷爐煙裊。

行香子

前歲栽桃。今歲成蹊。更黃鸝久住相知。微行清露。細履斜暉。對林中侶。閒中我。醉中誰。何妨到老。常閒常醉。任功名生事俱非。衰顏難強。拙語多遲。但酒同行。月同坐。影同歸。

訴衷情

小園過午。便覺涼生翠柏。戎葵開出牆紅。萱草靜依徑綠。還是去年。浮瓜沈李。追涼故繞池邊竹。小筵促。忽憶楊梅正熟。下山南畔。畫舸笙歌逐。愁凝目。使君彩筆。佳人錦字。斷絃怎續。盡

日闌干曲

木蘭花（追觀樓）

小樓新搆堪臨遠。一帶寒山都入眼。人間應未覺春歸。樓上已先變柳眼。風威自與微陽戰。雪意不知殘臘換。少須文棟燕雙回。來看東城花一片。

行香子

歸鳥翩翩樓上黃昏。黯天氣殘照餘痕。曲闌干裏。有個愁人。向不言中。千載事、一年春。春來似客。春歸如雲。付樓前行路雙輪。傾江變酒。舉斛爲尊。斷浮生外。愁千丈、不關身。

阮郎歸

小樓獨上暮鐘時。紅霞樓外飛。煙中遠鳥一雙歸。城門燈火微。橫短吹。傍危梯。冰輪湧海遲。天涯幽恨有誰知。涼風時動衣。

引駕行

梅梢瓊綻。東君次第開桃李。痛年年好風景。無事對花垂淚。園裏舊賞處。幽柔葩條。一一動芳意。恨心事春來間阻。憶年時。把羅袂雅戲。

琴趣外篇卷一終

琴趣外篇卷二

洞仙歌（留春）

花恨月惱。更夏有涼風。冬軒雪皎。閒事不關心。算四時皆好。從來又說。春臺登覽。人意多同。常是惜春過了。須痛飲。莫放歡情草。草年少。尚憶瑤階得雋。尋芳。騁驛東坡。適見垂鞭酹。南陌又逢低帽。鶯花蕩眼。功名滿意。無限嬉游。榮華事。如夢杳。傷宮貴。浮雲。曾縈懷抱。爲春醉倒。願花更好。春休老。開口笑。占醉鄉。莫教人倒。

又 填廬全詩

當時我醉。美人顏色。如此堪悅。今日美人去。恨天涯離別。青樓朱箔。嬋娟蟾桂。三五初圓。傷二八。還又缺。空佇立。一望不見。心絕。心絕。頓成淒涼。千里音塵。一夢歡娛。推枕驚巫山遠。酒淚對湘江闊。美人不見。愁人看花。心亂。合愁奏綠綺。絃清切。何處有知音。此恨難說。怨歌未闕。恐暮雨收行雲歇。窗梅發。乍似覩芳容。冰潔。

水龍吟（次韻林聖予惜春）

問春何苦匆匆。帶風伴雨。如馳驟。幽葩細萼。小園低檻。壅培未就。吹盡繁紅。占春長久。不如垂柳。算春常不老。人愁春老。愁只是。人間有。春恨十常八九。忍輕辜芳醪經口。那知自是。桃花

結子不因春瘦。世上功名。老來風味。春歸時候。縱尊前痛飲。狂歌似舊。情難依舊。

洞仙歌（溫園賞海棠）

羣芳老盡。海棠花時候。雨過寒輕好清晝。最妖饒一段。全是初開。雲鬢小。塗粉施朱未就。全開還自好。駘蕩春餘。百樣宮羅鬪繁縷。縱無語也。心應恨我來遲。恰柳絮將春歸後。醉猶倚柔柯怯黃昏。這一點愁須共花同瘦。

又（梅）

年年青眼。爲江梅腸斷。一句新詩思無限。向碧瓊枝上。白玉葩中。春猶淺。一點龍香清遠。誰拋傾國豔。昨夜前村都恐東皇未曾見。正倚牆紅杏。芳意濃時。驚千片何許飄零。仙館待冰雪。叢中看奇姿。乍一笑能回上林冬暖。

行香子（梅）

雪裏清香。月下疎枝。更無花比並瓊姿。一年一見。千繞千回。向未開時。愁花放。恐花飛。芳尊移就。幽葩折取。似玉人攜手同歸。揚州應記。東閣逢時。恨劉郎誤。題詩句。怨桃蹊。

鹽角兒（著社觀梅）

開時似雪。謝時似雪。花中奇絕。香非在蕊。香非在萼。骨中香徹。占溪風。留溪月。堪羞損。山桃如血。直饒更疎疎淡淡。終有一般情別。

清平樂（對晚菊作）

黃花過也。月酒何曾把。寒蝶多情愛瀟灑。晴日雙雙飛下。沈吟獨倚朱闌。采芳貽向口邊。林上醉排金鬢。幽香村與誰憐。

江神子（堯社觀梅呈范守秦令）

去年初見早梅芳。一春忙。短紅牆。馬上不禁花惱只顛狂。蘇晉長齋猶好事。時喚我。舉離觴。今年春事更茫茫。淺宮妝。斷人腸。一點多情天賜骨中香。賴有飛鳧賢令尹。同我過。小橫塘。

望海潮（揚州芍藥會作）

人間花老。天涯春去。揚州別是風光。紅藥萬株。佳名千種。天然浩態狂香。尊貴御衣黃。未便教西洛。獨占花三。困倚東風。漢宮誰敢鬪新妝。年年高會江陽。看家誇絕艷。人詫奇芳。結葉當屏。聯葩就幄。紅遮綠繞華堂。花面暎交相。更秉簡觀洎。幽意難忘。罷酒風亭。夢魂驚恐在仙鄉。

夜合花（和李浩季真牡丹）

百紫千紅。占春多少。共推絕世花王。西都萬家俱好。不爲姚黃。漫腸斷巫陽。對沈香亭北新妝。記清平調。詞成進了一夢仙鄉。天葩秀出無雙。倚朝暉半如酣酒成狂。無言自有檀心一點。偷芳念往事。情傷。又新豔曾說滌陽。縱歸來晚。君王殿後。別是風光。

下水船（和季真瓊花）

百紫千紅翠。唯有瓊花特異。便是當年。唐昌觀中玉蕊。尙記得。月裏仙人求賞。明日喧傳都市。甚時又分與揚州本。一朵冰姿難比。曾向無雙亭邊。半酣獨倚。似夢覺曉。出瑤臺十里。猶憶飛瓊標致。

浣溪沙（櫻桃）

雨過園亭綠暗時。櫻桃紅顆壓枝低。綠兼紅好眼中迷。荔子天教生處遠。風流一種阿誰知。最紅深處有黃鸝。

萬年歡

春憶心歸。似佳人未來。香徑無迹。雪裏江梅。因甚早知消息。百卉芳心正寂。夜不寐。幽姿脈脈。圖清曉。先作宮妝。似防人見。偷得真香媚。情動魄。算當時。壽陽無此標格。應寄揚州。何郎舊曾相識。花似何郎。鬢白。恐花笑。逢花羞摘。那堪羌管驚心也。隨繁杏。拋擲。

感皇恩（海棠）

常歲海棠時。儉閒須到。多病尋芳。嬾春老。偶來恰直。半謝妖嬈猶好。便呼詩酒伴。同傾倒。繁枝高蔭。疎枝低繞。花底杯盤。花影照。多情一片。恨我歸來不早。斷腸鋪碎錦。門前道。

洞僊歌（菊）

今春潤好。怪重陽菊早。滿檻煌煌。看霜曉。喚金錢翠雨。不稱標容。瀟酒意陶潛詩中能道。不

應誇絕艷。曾妒春華。因甚東君意不到。又似鎖三千漢女。偏教明妃。怨西風。邊草也何必牛山苦霑衣。算只好龍山。醉狂吹帽。

喜朝天（秦宅海棠作）

衆芳殘。海棠正輕盈。綠鬢朱顏。碎錦繁縷。更柔柯映碧。纖擗勻殷。誰與將紅間白。采薰籠仙衣。覆斑斕。如有意。濃妝淡抹。斜倚闌干。妖嬈向晚。春後慣。困欹晴景。愁怕朝寒。縱有狂雨。便離披。不奈幽閒。素來禽總俗。漫遮映。終羞格疎頑。誰采。願斜風教舞。月下庭間。

生查子（梅）

青帝晚來風。偏傍梅梢緊。未放玉肌開。已覺龍香噴。此意比佳人。爭奈非朱粉。惟有許飛瓊。風味依稀近。

少年遊（次季真韻）

廬山瑤草四時春。煙鎖上宮門。記得南遊。偶尋飛澗。一洗庾公塵。香爐高詠君家事。文彩近前人。他日騎鯨。尚憐迷路。與問衆仙真。

又

如今田野漫拋春。紅雨掩衡門。懶讀詩書。欠仙扶杖。几案任生塵。從教便向東山老。誰知是個中人。莫怪年來。倦尋城市。嫌我性情真。

滿江紅（次韻甲汝陽李誠之待制）

華鬢春風長歌罷傷今感昨。春正好瑤墀已歎。侍臣冥寞。牙帳塵昏餘劍戟。翠帷月冷虛絃索。記往歲龍坂誤曾登。今飄泊。賢人命從來簿。流水意知誰託。繞南枝身似未眠飛鵲。射虎山邊尋舊迹。騎鯨海上追前約。便與世江湖永相忘。還堪樂。

離亭宴（次韻甲汝陽李誠之待制）

丹府黃香堪笑。章臺墜鞭年少。細雨春風花落處。醉裏中人傳詔。卻上五湖船。悲歌楚狂同調。青草荆江波渺。香爐紫霄簪小。人去江山長依舊。幼婦空傳辭妙。灑淚作招魂。楓林子規啼曉。

千秋歲（次韻甲汝陽李誠之待制）

江頭苑外。常記同朝退。飛騎軋鳴珂碎。齊謳雲繞扇。趙舞風回帶。嚴鼓斷杯盤。藉草猶相對。灑涕誰能會。醉藤陰蓋人已去。詞空在。兔園高宴悄。虎觀英游改。重感慨。驚濤自卷珠沈海。

迷神引（貶玉溪對江山作）

黯黯青山紅日暮。浩浩大江東注。餘霞散綺。回向煙波路。使人愁。長安遠在何處。幾點漁燈小。迷近塢。一片客帆低。傍前浦。暗想平生自悔儒冠誤。覺阮途窮歸心阻。斷魂素月。千里傷平楚。怪竹枝歌聲聲怨。爲誰苦。猿鳥一時啼。驚島嶼。燭暗不成眠。聽津鼓。

滿江紅（赴玉山之謫，與諸父泛舟大澤，分題爲別。）

莫話南征。船頭轉、三千餘里。未歎此浮生飄蕩，但傷佳會。滿眼青山芳草外，半篙碧水斜陽裏。問此中何處菱荷深，漁人指。清時事，羈遊意，盡付與。狂歌醉，有多才南阮，自爲知己。不似朱公江海去，未成陶令田園計。便楚鄉風景勝吾鄉，何人對。

琴趣外篇卷二終

琴趣外篇卷二

琴趣外篇卷二

古陽關(寄無數八弟宰寶應)

衰草蛩吟噎。暗柳螢飛滅。空庭雨過。西風緊。飄黃葉。卷書帷寂靜。對此傷離別。重感歎。中秋數日又圓月。沙觜橋竿上。淮水闊。有飛鳧客。詞珠玉。氣冰雪。且莫教皓月。照影驚華髮。問幾時。清尊夜景共佳節。

玉蝴蝶

暗憶少年豪氣。爛南國蓬島風光。醉倚吳王宮殿。不解悲涼。舞猶慵。小腰似柳。歌尚怯。嬌語如簧。好林塘。玳筵留住。彩舫攜將。清狂。揚州一夢。中山千日。名利都忘。細數從前。眼中歡事盡成傷。去船迷亂。花流水。遺佩悄寒草空江。黯愁腸。暮雲吟斷。青鬢成霜。

安公子(送進道四弟赴官無爲)

柳老荷花盡。夜來霜落平湖淨。征雁橫天。鷗舞亂魚游清鏡。又還是當年我向江南興。移畫船。深渚蒹葭暝。對半篙碧水。滿眼青山魂凝。一番傷華鬢。放歌狂飲猶堪逞。水驛孤帆。明夜此歡重事省。夢回處池塘春草愁難整。宦情與歸期終朝競。記他年相訪。認取斜川三徑。

惜分飛(別吳作)

山水光中元無暑。是我消魂別處。只有多情雨。會人深意留人住。不見梅花來已暮。未見荷花又去。圖畫他年覩。斷腸千古蒼溪路。

又（代別）

消暑樓前雙溪匯。畫柱水晶宮裏。人共荷花麗。更無一點塵埃氣。不會使君忽忽至。又作忽忽去計。誰解連紅袂。大家都把蘭舟繫。

離亭宴（憶吳興寄金陵懷古聲中）

憶向吳興假守。雙溪四垂高柳。儀鳳橋邊蘭舟過。暎水雕甍華牖。燭下小紅妝。爭看使君歸後。攜手松亭難又。題詩水軒依舊。多少綠荷相倚。恨背立西風回首。悵望探蓮人。煙波萬重吳舳舻。

滿庭芳（憶廬山）

欲買廬山山前三畝。小橋橫過松間。變名吳市。誰認舊容顏。最好棲賢峽外。應自此都隔塵寰。人稀到。壺中化國。光景更堪閒。無心求至道。柴門閉了。飽睡甘吟。幸兒成孫長。爲掃家山。若問他年歸去。蕺地也雙槩來還。愁難捨。清風萬壑。高處正躋攀。

又（次韻答季真）

閒說秋來。乘槎心閒懶。夢回三島波間。便思黃帽。同我老山顏。上界仙人官府。何似我蕭散塵

寰雲無止。流泉自急。此意本來閒。寂寥松桂圃。陪君好語。亦可忘冷。況瓊枝玉蕊。秀滿春山。若問幽棲何意。莫道是飛鳥知還。無言處。孫登半嶺。高韻更難攀。

又（用東坡韻題白畫蓮社圖）

歸去來兮。名山何處。夢中廬阜嵯峨。二林深處。幽士往來多。自畫遠公蓮社。教兒誦李白長歌。如重到。丹崖翠戶。瓊草秀金坡。生綃雙幅上。諸賢巾屨。文彩天梭。社中客。禪心古井無波。我似淵明逃社。怡顏盼百尺庭柯。半開放。溪童任懶。吾已廢鞭蓑。

尾犯（廬山一名碧芙蓉）

廬山小隱。漸年來疎懶。浸濃歸興。綵橋飛過深溪。池底奔雷餘韻。香爐照日。望處與青霄近。想羣仙呼我。應還怪曉來鬚絲垂鏡。海上雲車回輒。少姑傳金母信。森翠裾瓊佩。落日初霞。紛紜相暎。誰見湖中景。花洞裏。杳然漁艇。別是個瀟灑乾坤。世情塵土休問。

尉遲杯（毫社作惜花）

去年時。正愁絕。過卻紅杏飛。沈吟杏子青時。追悔負好花枝。今年又春到。傍小闌。日日數花期。花有信人卻無憑。故教芳意遲遲。及至待得融怡。未攀條。拈藥叉。歎春歸。怎得春如天不老。更教花與月相隨。都將命。拚與酬花。似峴山落日。客猶迷。儘歸路。拍手攔街。笑人沈醉如泥。

八六子（重九卽事呈徐倅祖禹十六叔）

喜秋晴。淡雲縈縷。天高羣雁南征。正零冷初減。蘭紅。風緊潛彫柳翠。愁人漏長夢驚。重陽景物淒清。漸老何時無事。當歌好在多情。暗自想朱顏。並遊同醉。宦名韞鎖。世路蓬萍。難相見。賴有黃花滿把。從教綠酒深傾。醉休醒。醒來舊愁旋生。

臨江僊（呈祖禹十六叔）

盡說彭門新半郟。昆吾剗玉如泥。功名餘事不須爲。才情詩裏見。風味酒邊知。好在阿咸同老也。青雲往歲心期。千鍾百首興來時。伯倫從婦勸。元亮信兒癡。

又

十歲兒曹同硯席。華裙織翠如葱。一生心事醉吟中。相逢俱白首。無語對西風。莫道尊前情調減。衰顏得酒能紅。可憐此會意無窮。夜闌人總睡。獨繞菊花叢。

暮山溪（鷓鴣飲酒爲守令作）

譙園幽古。煙鎖前朝楸。搖落棗紅時。滿園空幾株蒼翠。史君才譽。金殿握蘭人。將風調。改荒涼。便是嬉遊地。劉郎莫問。去後桃花事。司馬更堪憐。掩金觴琵琶催淚。愁來不醉。不醉奈愁何。池南周。東陽沈。勸我如何醉。

又

金尊玉酒佳味名仙。檜恐是九龍泉。堪一飲霜毛卻翠。何須說此。只但飲陶陶。燈光底。百花春。

自是仙家地。星郎早貴。慣見風流事。留我不須歸。倒尊空燭堆紅淚。飛鳧令尹。才調更翩翩。休弔古。枉傷神。有興來同醉。

又（毫社寄文潛舍人）

蘭臺仙吏。好在多情否。不寄一行書。過西風飛鴻去後。功名心事。千載與君同。只狂飲。只狂吟。綠鬢殊非舊。山歌村館。愁醉潯陽叟。且借兩州春。看一曲尊前舞袖。古來畢竟。何處是功名。不同飲。不同吟。也勸時開口。

又（和王定國朝散憶廣陵）

揚州全盛往事。今何處。帆錦雨明珠。冒薔薇。月中嬉語。朱衣白面。分公子似神仙。登雲嶼。臨煙渚。狂醉成懷古。蘭舟歸後。誰與春爲主。吟笑我重來。倚瓊花東風日暮。胡霜點鬢。流落共天涯。竹西路。高陽侶。魂夢應相遇。

憶秦娥（和留守趙無魏送別）

牽人意。高堂照碧臨煙水。清秋至。東山時伴。謝公攜妓。黃菊雖殘堪泛蟻。乍寒猶有重陽味。應相記。坐中少個。孟嘉狂醉。

好事近（南都寄歷下人）

絲篴隔南湖。湖上醉遊時晚。獨看小橋官柳。淚無言偷滿。坐中誰唱解愁詞。紅妝勸金盞。物

是奈人非。是負東風心眼。

阮郎歸（同十二叔泛潯州環溪）

西城北渚舊追隨。荒臺今是非。白蘋無主綠蒲迷。停舟憶舊時。
雙鴨戲。亂鷗飛。人家煙雨西。不成攜手折芳菲。蘭橈惆悵歸。

又

一濠秋水靜漣漪。紅妝照水嬉。桴條尋藕怯船移。浮萍溼繡衣。
臨好景。惜輕歸。夕陽洲渚迷。城門燈火簇輪蹄。沙鷗飛去時。

又

兒童嬉戲杏花隄。春歸不解悲。重來草露溼人衣。無花空繞枝。
曾學道。久忘機。一尊甘若飴。平生魚鳥與同歸。臨風心自知。

宴桃源

往歲真源謫。紅淚揚州留住。飲罷一帆東去。入楚江寒雨。無緒無緒。今夜秦淮泊處。

一叢花（謝濟侔宗室令剡送酒）

王孫眉宇鳳凰雛。天與世情疎。揚州坐上瓊花底。佩錦囊。曾憶奚奴。
金盞醉揮。滿身花影。紅袖競來扶。十年一夢訪林居。離袂重踟躕。應憐肺病臨邛客。寄洞庭。春色雙壺。
天氣未佳。梅花

正好。曾醉燕堂無。

又（十二叔節推以无咎生日。於此聲中爲辭。依韻和答。）

碧山無意解銀魚。花底且攜壺。華顛又喜熊羆且。笑騏驎老反爲駒。文史漸拖。功名更懶。隨處見真如。高情敢並漢庭疎。長揖去田廬。囊無上賜金堪散也。未妨山獵溪漁。廉頗縱強。莫隨年少。白馬向黃榆。

又（再呈十二叔）

飛鳧仙令。氣如虹。脫屣向塵籠。淩煙畫象雲臺議。似眼前百草春風。蓋裏聖賢。壺中天地。高興更誰同。應懷得雋大明宮。無事老馮公。玉山且向花間倒。任笑從老入花叢。三徑步餘一枝眠穩。心事付千鍾。

琴趣外篇卷三終

琴趣外篇卷四

臨江僊（用韻和韓求仁南都留別）

曾唱牡丹留客飲。明年何處相逢。忽驚鵲起落梧桐。綠荷多少恨。回首背西風。莫歎今宵身是客。一尊未曉猶同。此身應似去來鴻。江湖春水闊。歸夢故園中。

又（同前）

常記河陽花縣裏。恰如飯顆山逢。春城何處滿絲桐。綸巾并羽扇。君有古人風。重向梁王臺畔見。黃花綠酒誰同。新詩別後寄南鴻。回頭思照碧。人在白雲中。

浣溪沙（廣陵被召留別）

悵飲都門春浪驚。東飛身與白鷗輕。淮山一點眼初明。誰使夢回蘭芷國。卻將春去鳳凰城。橋烏風轉不勝情。

憶少年（別歷下）

無窮官柳。無情畫舸。無根行客。南山尚相送。只高城人隔。罨畫園林溪紺碧。算重來盡成陳迹。劉郎鬢如此。況桃花顏色。

江神子（廣陵送王左丞赴闕）

舊山鉛槧倦棲遲。叩宸闈。向淮圻。五馬行春，初喜後車隨。太守風流容客醉，花壓帽，酒淋衣。隋宮煙外草萋萋。菊花時。動旌旗。起舞留公，且住慰相思。王粲詩成何處寄，人北去，雁南飛。

虞美人（廣陵留別）

江南載酒平生事。游宦如萍寄。逢山歸路傍銀臺。還是揚州一夢卻驚回。年年后土春來早。不負金尊倒。明年珠履賞春時。應寄瓊花一朵慰相思。

金盞倒垂蓮（依韻和次寄楊仲謀觀察）

諸阮英游。盡千鍾飲量。百丈詞源。對舞春風。螺髻小雙蓮。念兩處登高臨遠。又傷芳物新年。此淚不待桓伊。危柱哀絃。身閒未應無事。趁栽梅徑裏。插柳池邊。野鶴飄飄。幽興在青田。也莫話書生豪氣。更銘功業燕然。畢竟得意。何如月下花前。

又（次韻寄竊師楊仲謀安撫）

休說將軍解彎弓。掠地崑嶺河源。綵筆題詩。綠水映紅蓮。算總是風流餘事。會須行樂。只有一部隨軒。脆管繁絃。多情舊遊尚憶。寄秋風萬里。鴻雁天邊。未學元龍豪氣。笑求田也。莫爲庭槐興歎。便傷搖落淒然。後會一笑。猶堪醉倒花前。

西平樂（廣陵送王資政正仲赴闕）

鳳詔傳來絲闕。當宁思賢輔。淮海甘棠惠化。霖雨商巖吉夢。熊虎周郊舊卜。千秋盛際。催促朝

天歸去。動離緒。空眷戀。難暫住。新植雙亭臨水。風月佳名未覩。準擬金尊時舉。況樂府風流一部。妍歌妙舞。繁雪回雪。親教與恨難訴。爭欲琴轅借住。功成繡袞。重與江山作主。

御街行 (待命護國院。不得入國門。寄內。)

年年不放春閒了。今歲銜杯少。來時柳上淺金黃。歸路玉綿吹帽。惜春長似。五陵狂俊。不道朱顏老。斜煙薄雨青林杳。猶有鶯聲到。西園紅豔綠盤龍。辜負一年春好。錦城樂事。不關愁眼。何似還家早。

生查子 (感舊)

宮裏妒蛾眉。十載辭君去。翠袖怯天寒。修竹無人處。今日近君家。望極香車驚。一水是紅牆。有恨無山語。

青玉案

十年不向東門道。信匹馬。羞重到。玉府驂鸞猶年少。宮花頭上。御爐烟底。常日朝回早。霞觴翻手羣仙笑。恨塵土。人間易春老。白髮愁占彤庭杳。紅牆天阻。碧濠煙鎖。細雨迷芳草。

水龍吟 (始去齊。路逢次府叔感別叙舊。)

去年暑雨鉤盤。夜闌睡起。同征轡。今年芳草。齊河古岸。扁舟同艤。津梗孤蹤。夢魂浮世。別離常是。念當時綠鬢。狂歌痛飲。今憔悴。東風裏。此去濟南爲說。道愁腸不醒。猶醉多情北渚。兩行

煙柳一湖春水。還唱新聲。後人重到。應悲桃李。待歸時攬取。庭前皓月。也應堪寄。

南歌子（譙園作）

霜細猶欺柳。風柔已弄梅。東園搥鼓賞新醅。喚取舞裙歌扇。探春回。妙舞堪千盞。長歌可百杯。笑人將恨上春臺。勸我十分一舉兩眉開。

醉落魄（用韻和李季真泊山口）

高鴻遠鶩。溪山一帶人煙簇。知君船近漁磯宿。輕素橫溪。天淡挂寒玉。誰家紅袖闌干曲。南陵風軟波平綠。幽吟無伴芳尊獨。清瘦休文。一夜傷單縠。

萬年歡（次韻和季真）

憶昔論心。盡青雲少年。燕趙豪俊。二十南游。曾上會稽千仞。振袂江中。往歲有騷人。蘭蓀遺韻。嗟管鮑當日貧交。半成翻手難信。君如未遇元禮。肯抽身盛時。尋我幽隱。此事談何容易。驥才方聘。綵舫紅妝圍定。笑西風黃花斑鬢。君欲問投老生涯。醉鄉歧路偏近。

臨江僊（信州作）

謫宦江城無屋買。殘僧野寺相依。松間藥臼竹間衣。水窮行到處。雲起坐看時。一箇幽禽緣底事。苦來醉耳邊啼。月斜西院愈聲悲。青山無限好。猶道不如歸。

虞美人（羊山饒杜侍郎郡君十二姑及外弟天達）

原桑飛盡霜空杳。霜夜愁難曉。油燈野店怯黃昏。窮途不減酒杯深。故人心。羊山故道行人少。也送行人老。一般別語重千金。明年過我小園林。語如今。

安公子（和次膺叔）

少日狂遊好。閨苑花間同低帽。不恨千金輕散盡。恨花殘鶯老。命小轡翩翩隨處金尊倒。從市人拍手。攔街笑。鎮瓊樓歸臥。麗日三竿未覺。迷路桃源了。亂山沈水何由到。撥斷朱絃成底事。痛知音人悄。似近日曾教青鳥傳佳耗。學鳳簫。擬入煙蘿道。問劉郎何計。解使紅顏卻少。

綠頭鴨（韓師模相公會上觀佳妓輕盈彈琵琶）

新秋近。晉公別館開筵。喜清時銜杯樂聖。未饒綠野堂邊。繡屏深麗。人乍出。坐中雷雨起。鵲絃花暖。間關冰凝幽咽。寶釵搖動。墜金鈿。未彈了。昭君遺怨。四坐已淒然。西風裏。香街駐馬。嬉笑微傳。算從來司空慣。斷腸初對雲鬟。夜將闌。井梧下葉。砌蛩收響。悄林蟬。賴得多愁。潯陽司馬當時不在。綺筵前。競歎賞檀槽倚困。沈醉倒觥船。芳春調。紅英翠萼。重變新妍。

水龍吟（寄留守無愧丈）

滿湖高柳搖風。坐看驟雨來湖面。跳珠濺玉。圓荷翻倒。輕鷗驚散。堂上涼生。檻前暑退。羅裾淩亂。想東山謝守。綸巾羽扇。高歌下。青天半。應記狂吟司馬。去年時。黃花高宴。竹枝苦怨。琵琶多淚。新年鬢換。常恐歸時。眼中物是。日邊人遠。望隋河一帶。傷心霧縠。道離魂斷。

惜奴嬌

歌闌瓊筵。暗失金貂侶。說衷腸。丁寧囑付。棹舉帆開。黯行色。秋將暮。欲去。待卻回。高城已暮。漁火煙村。但觸目。傷離緒。此情向阿誰分訴。那裏思量。爭知我。思量苦。最苦。睡不著。西風夜雨。

臨江僊

身外閒愁空滿眼。就中歡事常稀。明年應赴送君詩。試從今夜數。相會幾多時。淺酒欲邀誰共勸。深情惟有君知。東溪春近好同歸。柳垂江上影。梅謝雪中枝。

又

自古齊山重九勝。登臨夢想依依。偶來恰值菊花時。難逢開口笑。須插滿頭歸。昨夜一江風色好。平明秋浦帆飛。可憐如赴史君期。且當酬令節。不用歎斜暉。

滿庭芳

鄉物牽情。家山回首。浩然歸興難收。報恩心事。投老拚悠悠。卻笑當年牛下。輕自許。激烈寒謳。成何事。夷猶桂楫。蘭芷詠芳洲。人生萍梗迹。誰非樂土。何處吾州。算不須臨歧憶。遲留。要看香爐瀑布。丹楓亂。江色凝秋。真堪與。瀟湘暮雨。圖上畫扁舟。

定風波

跨鶴揚州一夢回。東風拂面上平臺。園苑花前狂覆酒。拍手。東風騎鳳卻教來。謫好伯陽丹。

井畔官滿平臺還見片帆開。上界雖然官府好。總道散仙無事好追陪。

千秋歲

玉京仙侶。同受琅函結。風雨隔。塵埃絕。霞觴翻手破。閨苑花前別。鵬翼斂。人間泛梗無由歇。豈憶中山酒。還共溪邊月。愁悶火。時間滅。何妨心似水。莫遣頭如雪。春近也。江南雁識歸時節。

又

葉舟容易。行盡江南地。南雁斷。無書至。憐君羈旅處。見我飄蓬際。如夢寐。當年閨苑曾相對。休說深心事。但付狂歌醉。那更話孤帆起。水精溪繞戶。雲母山相砌。君莫去。只堪伴我溪山裏。

鷓鴣天

欲上南湖綵舫嬉。還思北渚與嵐漪。圓荷蓋水垂楊岸。鸕鶿鷺鷥總下時。持此意。遣誰知。清波還照鬢間絲。西樓重唱池塘好。應有紅妝斂翠眉。

清平樂

炎天畏景。午漏那堪永。何苦相仍愁簿領。短壑清溪牽興。瑤臺月下曾逢。何由卻覩冰容。一笑爲驅煩暑。故人元是清風。

琴趣外篇卷四終

琴趣外篇卷五

虞美人（用韻答秦令）

荒城又見重陽到。狂醉還吹帽。人生開口笑難逢。何況良辰一半別離中。平臺珠履登高處。猶自懷人否。且簪黃菊滿頭歸。惟有此花風韻似年時。

浣溪沙

江上秋風高怒號。江聲不斷雁嗷嗷。別魂迢遞爲君銷。一夜不眠孤客耳。耳邊愁聽風蕭蕭。碧紗窗外有芭蕉。

萬年歡（寄韻次臂叔）

十里環溪。記當年並遊。依舊風景。綵舫紅妝。重泛九秋清鏡。莫歎歌臺蔓草。喜相逢。歡情猶勝。蘋洲畔。橫玉驚鸞。半天雲正愁凝。中秋醉魂未醒。又佳辰授衣。良會堪更。蚤歲功名。豪氣尙淩汝穎。能致黃金一井也。莫負鴟夷高興。別有箇。瀟酒田園。醉鄉天地同永。

一叢花

東君密意在花心。飛雪戲妝林。多情定怪春來晚。故奇花千點深深。煙柳上輕。風絲漫裊。樓閣晚還陰。雕梁雙燕悄來音。簾幕鎮沈沈。西城未有花堪採。醉狂興冷落難禁。應約萬紅。商量

宋六十名家詞

細細留向未開尋。

減字木蘭花（和宋仁南都留別）

萍蓬行路來不多時還遣去。會有重來。還把清尊此地開。隋河楊柳。見我五年三執手。紅淚多情。待得重來走馬迎。

菩薩蠻

玉京不許塵容到。疎慵只合疎慵老。鷗鳥共煙波。田夫與醉歌。忘懷無物我。莫似陳驚坐。勸業付長閒。西山爽氣間。

鷓鴣天（杜四侍郎郡君十二姑生日）

吉夢靈蛇朱夏宜。佳辰阿母會瑤池。竹風荷雨來消暑。玉李冰瓜可療飢。心悟了。道成時。不勞龍女騁威儀。僧祇世界供遊戲。賢懿光陰比壽期。

鳳簫吟（永嘉郡君生日）

曉曠曉。風和雨細。南園次第春融。嶺梅猶妒雪。露桃雲杏。已綻碧呈紅。一年春正好。助人狂飛燕遊蜂。更吉夢良辰。對花忍負金鍾。香濃博山沈水。小樓清旦。佳氣葱蔥。舊遊應未改。武陵花似錦。笑語相逢。藥宮傳妙訣。小金丹。同換冰容。況共有芝田舊約。歸去雙峯。

梁州令

二月春猶淺。去年櫻桃開徧。今年春色怪遲遲。紅梅常早。未露臙脂臉。東君遣春來緩。似會人深願。蟠桃新鑊雙盞。相期似此春長遠。

引駕行（亦名長春）

春雲輕鎖。春風乍扇。園林曉。掃華堂正。桃李芳時。誕辰還到。年少記絳蠟光搖。金猊香郁。寶妝了。驟駿馬天街向晚。喜同車詠窈窕。多少。盧家壺範。杜曲家聲。榮耀慶。孟光齊眉。馮唐白首。鎮同歡笑。縹緲待琅函深討。芝田高隱。去偕老。自別有壺中永日。比人間好。

菩薩蠻

百花含蘊東風裏。南園小雨朱扉啓。春色一年年。年年花共妍。清談招隱去。莫認如賓處。華髮好風光。林間此味長。

點絳脣

回雁風微。養花濃淡天容好。似春知道。吉夢佳人到。共樂春臺。攜手蓬萊小。同傾禱。願春不老。歲歲尋芳草。

上林春（韓州生日）

天惜中秋。三夜淡雲占得。今宵明月。孟陬歲好。金風氣爽。清時挺生賢哲。相門出相。算鍾慶自應累葉。乍歸來。暫燕處共仰。赤松高轍。想人生會須自悅。浮雲事笑裏尊前休說。舊有衰衣。

公歸未晚。千歲盛明時節。命圭相印。看重賞。晉公勳業。濟生靈。共富貴。海深天闊。

楊柳枝

素色清薰。出俗華。臘前花。軒前愛日。掃雲遮。幾枝斜。月淡紗窗。香暗透。白於沙。幽人獨酌對芳葩。興無涯。

暮山溪

鳳凰山下。東畔青苔院。記得當初。個與玉人幽歡。小宴。黃昏風雨。人散不歸家。簾旌捲。燈火鷓鴣驚。嬌羞面。別來憔悴。偏我愁無限。歌酒情都減。也不獨。朱顏改變。如今桃李。湖上泛舟時。青天晚。青山遠。願見無由見。

又

自來相識。比爾情都可。咫尺千里。算惟孤枕單衾。知我。終朝盡日。無緒亦無言。我心裏。忡忡也。一點全無那。香牋小字。寫了千千個。我恨無羽翼。空寂寞。青苔院鎖。昨朝冤我。卻道不如休。天天天。不曾麼。因甚須冤我。

生查子

夜飲別佳人。梅小猶飄雪。忍淚一春愁。過卻花時節。相見話相思。重與臨風月。休似那回時。無事還輕別。

少年遊

當年攜手是處成雙。無人不羨。自間阻五年也。一夢擁嬌嬌粉面。柳眉輕掃。杏腮微拂。依前雙靨盛。睡裏起來尋覓。卻眼前不見。

青玉案

三年宋玉牆東畔。怪相見常低面。一曲文君芳心亂。忽忽依舊吹散。月淡梨花館。秋娘苦妒浮金盞。漏些子堪猜是嬌盼。歸去相思腸應斷。五更無寐。一懷好事。依舊藍橋遠。

江城子（贈次膺叔家娉婦）

娉娉問道似輕盈。好佳名。也堪稱。楚觀雲歸。重見小樊驚。豆蔻梢頭春尙淺。嬌未顧。已傾城。章臺休詠舊青青。惹離情。恨難平。無事飛花。撩亂撲旗亭。不似劉郎春草小。能步步。伴人行。

青玉案（傷娉婦）

彩雲易散琉璃脆。念往事心將碎。只合人間十三歲。百花開盡。丁香獨自。結恨春風裏。小園幽檻經行地。恨春草佳名漫拋棄。簇蝶羅裙休將施。香殘燭燼。微風觸幔。髣髴嬌嚙是。

勝勝慢（家妓榮奴既出有感）

朱門深掩。擺蕩春風。無情鎮欲輕飛。斷腸如雪。撩亂去點人衣。朝來半和細雨。向誰家東館西池。算未肯。似桃含紅藥。留待郎歸。還記章臺往事。別後縱青青似舊時。垂灞岸行人多少。竟

折柔枝。而今恨啼露葉。鎮香街拋擲。因誰。又爭可。妒郎誇春草。步步相隨。

點絳脣（同前）

檀口星眸。豔如桃李。情柔惠。據我心裏。不肯相拋棄。哭怕人猜。笑又無滋味。忡忡地。繫人心裏。一句臨歧誓。

琴趣外篇卷六

永遇樂（贈雍宅璨奴）

銀燭將殘。玳筵初散。依舊愁緒。醉裏凝眸。嬌來縱體。此意難分付。憐伊只似。風前輕燕。好語暫來還去。重樓靜。珠簾休下。待掃畫梁留住。青娥皓齒。雲鬢花面。見了綺羅無數。只你厭厭教人。竟日一點無由訴。如今拚了。縈眠惹夢。沒個頓身心處。深誠事。驀驚解佩。是許未許。

虞美人（代內）

梅花時候君輕去。曾寄紅牋與。胡麻好種少人知。正是歸時何處。誤芳期。誰教又作狂遊遠。歸路楊花滿。當年不負瑣窗春。老向長楸走馬。更愁人。

朝天子

酒醒情懷惡。金縷褪玉肌如削。寒食過卻。海棠花零落。漸日照闌干。煙淡薄。繡額珠簾籠畫閣。春睡著。覺來失歡。鞦期約。

行香子（贈輕盈）

柳態纖柔。雪點疎明。問人來人道輕盈。張琵琶臉。一寸波橫。比瀟灑處。猶難稱。此嘉名。花前燭下。微嚙淺笑。要題詩。盡畔低聲。司空自慣。狂眼須驚。也不辭寫。雙羅帶。恐牽情。

感皇恩

終歲憶春回。西園行盡。歡喜梅梢上春信。去年攜手。暗約芳時還近。燕來爲又到。人無準。憑誰問道。流光一瞬。佳景閒無事。衣褪春歸何處。又對飛花歸問。舊歡都未遇。成新恨。

臨江仙(代內)

馬上忽忽聽鶻喜。朦朧月淡黃昏。碧羅雙扇擁朝雲。粉光先辨臉。朱色怎分唇。暫別寶奩蛛網徧。春風淚汙榴裙。香牋小字寄行雲。纖腰非學楚。寬帶爲思君。

碧牡丹(王晉卿都尉宅觀舞)

院宇簾垂地。銀箏雁低春水。送出燈前。婀娜腰肢柳細。步蹙香裙。紅浪隨鴛履。梁州緊。鳳翹墜。悚輕體。繡帶因風起。霓裳恐非人世。調促香檀。困入流波生媚。上客休辭。眼亂尊中翠。玉階霜透羅袂。

少年遊

前時相見。樓頭窗畔。尊酒望銀蟾。如今間阻。銀蟾又滿。小閣下珠簾。願得吳山山前雨。長恁晚廉纖。不見樓頭嬋娟月。且寂寞。閉窗眠。

西江月

似有如無好事。多難少會幽懷。流鶯過了又蟬催。腸斷碧雲天外。不寄書還可恨。全無夢也。

堪猜秋風吹淚上樓臺。只恐朱顏便改。

鷓鴣天

繡幕低低拂地垂。春風何事入羅幃。胡麻好種無人種。正是歸時君未歸。臨晚景。憶當時。愁心一動亂如絲。夕陽芳草本無恨。才子佳人空自悲。

滿江紅（寄內）

月上西窗。書幃靜。燈明又滅。水滸澀。銅壺香燼。夜霜如雪。睡眼不曾通夕閉。夢魂爭得連宵接。念碧雲。川路古來長。無由越。鸞釵重。青絲滑。羅帶緩。小腰怯。伊多感。那更恨離傷別。正是少年佳意氣。漸當故里春時節。歸去來。莫教子規啼芳菲歇。

菩薩蠻（代歌者怨）

絲篁鬪好鶯差巧。紅檀微映燕脂小。當□斂雙蛾。曲中幽恨多。知君憐舞袖。舞要歌成就。獨舞不成妍。因歌舞可憐。

減字木蘭花（陳履常）

娉娉嫋嫋。紅落東風青子小。妙舞委蛇。拍誤周郎卻未知。花前月底。誰喚分司狂御史。欲語還休。喚不回頭沒著羞。

臨江仙

離別尋常今白首。更須竹雨蕭蕭。不應都占世間豪。清風居士手。楊柳洛城腰。文子功名真自誤。從今好月良宵。只消憐取董嬌饒。修門君自到。不用我詞招。

又（晁達州見和）

君似蒼崖千仞竹。一枝孤映蕭蕭。簾瓢不減萬鍾豪。閒情搔短髮。佳句詠纖腰。罷酒蘭舟回楚舵。相思何處今宵。淮南幽桂水雲饒。他年春草恨。應有小山招。

紫玉簫 過堯民金部四叔位見韓相家姬璵盈所留題

羅綺叢中笙歌叢裏。眼狂初認輕盈。無花解比似一鉤新月。雲際初生。算不虛得郎占與。第一佳名卿歸去。那知有人別後牽情。襄王自是春夢休。漫說東牆事。更難憑誰教慕。宋要題詩。曾倚寶柱低聲。似瑤臺曉。空暗想衆裏飛瓊。餘香冷。猶在小窗。一到魂驚。

門百草

別日常多。會時常少。天難曉。正喜花開。又愁花謝。春也似人易老。慘無言。念舊日朱顏清歡。莫笑便萋萋如雲。霏霏似雨。去無音耗。追想牆頭梅下。門裏桃邊。名利爲伊都忘了。血寫香箋。淚封羅帕。記三日離腸恨攪。如今事。十二樓空憑誰到此。情悄。擬回船。武陵路杳。

又

往事臨邛。舊遊雅態。羞重憶。解賦才高。好音情慧。琴裏句中暗識。正當年似閨苑瓊枝。朝朝相

倚便滌器何妨。當壚正好。鎮同比翼。誰使襄裳。佩失。推枕雲歸。惆悵至今遺恨積。雙鯉書來。大刀詩意。縱章臺青。青似昔。重尋事。前度劉郎轉愁寂。漫贏得。對東風對花歎息。

門百花（汶妓閣題）

小小盈盈珠翠。憶得眉長眼細。曾共映花低語。已解傷春情意。重向溪堂。臨風看舞。梁州依舊照人秋水。轉更添姿媚。與問階上簸錢時節。記微笑。但把纖腰向人嬌倚。不見還休。誰教見了。厭厭還是向來情味。

又

臉色朝霞紅膩。眼色秋波明媚。雲度小釵濃鬢。雲透輕綃香臂。不語凝情。教人喚得回頭。斜盼未知何意。百態生珠翠。低問石上鑒井何由及底。微向耳邊。同心有絲千里。飲散西池。涼蟾正滿。紗窗一語繫人心裏。

又

斜日東風深院。繡幕低迷歸燕。瀟灑小屏嬌面。髻髸燈前初見。與選筵中。銀盆半折姚黃。插向鳳凰釵畔。微笑遮紈扇。教展香裯。看舞霓裳促徧。紅飈翠飈。驚鴻乍拂秋岸。柳困花慵。盈盈自整羅巾。須勸倒金盞。

御街行

天街月照珠簾粉。鞦韆曾相近。繁華樂事老來慵。對酒尙憐佳景。王孫年少。風流應更。無奈春愁悶。幽期莫誤香閨恨。羅帶今朝褪。月圓花好一般春。觸處總堪乘興。有人惆悵。何如歸好。相見憑君問。

南歌子

睡起臨窗坐。妝成傍砌閒。春來莫捲繡簾看。嫌怕東風吹恨在眉間。鸚鵡花前弄。琵琶月下彈。暮然收袖倚闌干。一向思量何事點雲鬢。

清平樂

寒風雁度。聲向千門去。也到文闌校文處。也到文君繡戶。背燈解帶驚魂。長安此夜秋聲。早是夜寒不寐。五更風雨無情。

好事近

歸路苦無多。正值早秋時節。應是畫簾靈鵲。把歸期先說。就中風送馬蹄輕。人意漸歡悅。此夜醉眠無夢。任西樓斜月。

洞仙歌

（泗州中秋作此絕筆之詞也）

青煙幕處。碧海飛金鏡。永夜閒階臥桂影。露涼時零亂多少寒蟬。神京遠。惟有藍橋路近。水晶簾不下。雲母屏開。冷浸佳人淡脂粉。待都將許多明月。付與金尊。投曉共流霞傾盡。更攜取

胡牀上南樓。看玉做人間。素秋千頃。

琴趣外篇卷六終

琴趣外篇 卷六

琴趣外篇跋

琴趣外篇六卷。宋左朝奉祕書省著作郎充祕閣校理國史編修官濟北晁補之无咎長短句也。其所爲詩文凡七十卷。自名雞肋集。惟詩餘不入集中。故云外篇。昔年見吳門鈔本。混入趙文寶諸詞。亦名琴趣外篇。蓋書賈射利。眩人耳目。最爲可恨。余已釐正介庵詞。辨之詳矣。无咎雖游戲小詞。不作綺豔語。殆因法秀禪師諄諄戒山谷老人不敢以筆墨勸淫邪。大觀四年卒于泗州官舍。自畫山水留春堂大屏。上題云。胸中正可吞雲夢。殘底何妨對聖賢。有意清秋入衡霍。爲君無盡寫江天。又詠洞仙歌一闋。遂絕筆。不知何故逸去。今依花庵詞客附諸末幅。古虞毛晉識。